



MB 02 - 11 - 2018

*[Signature]*

REPUBLIKA E KOSOVËS  
REPUBLIKA KOSOVA - REPUBLIC OF KOSOVO  
GJYKATA THEMELORE FERIZAJ

Numri i lëndës: 2018:008805  
Datë: 04.09.2018  
Numri i dokumentit: 00129944

P.nr.439/2018

NË EMËR TË POPULLIT

**GJYKATA THEMELORE NË FERIZAJ-Departamenti i Përgjithshëm-Divizioni Penal**, si gjykatë e shkallës së parë penale, gjyqtarit Adem Shabani, me zyrtaren ligjore Kadi She Shabani, në lëndën penale kundër të akuzuarit [REDACTED] nga fsh [REDACTED], Komuna Ferizaj, për shkak të veprës penale kanosja nga neni 185 par.3 lidhur me par 2 të KPRK-së, i akuzuar sipas aktakuzës së Prokurorisë Themelore në Ferizaj PP/II.nr.167-10/18 të datës 19.03.2018, në shqyrtimin fillestar të mbajtur me datën 04.09.2018 në prani të prokurorit të shtetit Bahri Hyseni, të dëmtarëve [REDACTED] dhe [REDACTED] dhe të akuzuarit [REDACTED] [REDACTED] mori dhe publikisht shpalli këtë:

**A K T G J Y K I M**

I akuzuari [REDACTED] nga fsh [REDACTED] Komuna Ferizaj, i lindur me dt. [REDACTED] nga i ati [REDACTED] dhe e ëma [REDACTED], e gjinisë [REDACTED] shqiptar, shtetas i Republikës së Kosovës, i martuar, ka të kryer shkollën e mesme, punon privat, i gjendjes së mesme ekonomike mbrohet në liri, me numër persona [REDACTED]

**Ë S H T Ë F A J T O R Ë**

Sepse me dt.06.12.2017, rreth orës 22:30 në Stacionin Policor në Ferizaj, me qëllim të frikësimit dhe shkaktimit të ankthit i ka kanosur të dëmtuarit-zyrtarët policor [REDACTED] dhe [REDACTED] të cilët e kishin shoqëruar në Stacionin policor pasi që i njëjti kishte bërë vozitje të rrezikshme me veturën "Golf VI", dhe at[ me fjalët " ka me ju korrë me kallash si të dilni nga Stacioni", me kanosje ka shkaktuar ankth dhe shqetësim tek të dëmtuarit,-

-Me këtë ka kryer verën penale kanosje nga neni 185 par.3 lidhur me par 2 të KPRK-së.

Gjykata në bazë të neneve 4, 7, 41, 46, dhe 73 të KPRK-së, dhe nenit 365 të KPPK-së të akuzuarin e

## ME DËNIM ME GJOBË

I. Të akuzuarit [REDAKTUAR], i shqipton dënimin me gjobë në shumë prej 200 /dyqind / Euro, të cilin dënim me gjobë, nga rrethanat e arsyeshme i mundëson ta paguan me kështu për një periudhë prej katër muajve, konform nenit 46 par.2 të KPRK-së, nga dita e plotfuqishmërisë së këtij aktgjykimi.

Në rast se personi i dënuar nuk dëshiron ose nuk mundet ta paguan dënimin në të holla, sipas nenit 46 par.3 të KPK-së, i njëjti dënim do t'i shndërrohet në dënim me burgim ashtu që për çdo 20 Euro, do t'i llogaritet një (1) ditë burgim.

II. Të dëmtuarit të dëmtuarit [REDACTED], nga Ferizaj rruga "[REDACTED]", [REDACTED] nga fshati [REDACTED] Komuna Shtime dhe [REDACTED], nga fshati [REDACTED] Komuna Ferizaj, për realizimin e kërkesës pasurore-juridike janë udhëzuar në kontest civil.

**III.** Obligohet i akuzuari të paguaj shpenzimet e procedurës penale për ekspertizën mjeko- ligjore shumë prej 20 Euro, si dhe paushallin gjyqësor në shumë prej nga 20 (njëzetë) Euro, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcënim të përmbarimit të dhunshëm

**IV.** I shqiptohet taksa në shumën prej 30 €uro, konform nenit 39 paragrafi 3 nën paragrafi 3.1 të Ligjit për kompensimin e viktimave të krimit.

## A r s y e t i m

Prokuroria Themelore në Ferizaj ka paraqitur aktakuzën PP/II.nr.167-10/18 të datës 19.03.2018, me të cilën ka ngarkuar të akuzuarin [REDACTED] nga fsh. [REDACTED], Komuna Ferizaj, për shkak të veprës penale kanosja nga neni 185 par.3 lidhur me par 2 të KPRK-së.

Gjykata duke vepruar rreth kësaj çështje penale konform nenit 245 par.1 të KPPK-së me dt. 04.09.2018, ka mbajtur shqyrtimin fillestar në të cilin kanë marrë pjesë prokurori i shtetit [REDACTED] të dëmtuarit [REDACTED] dhe të akuzuarit [REDACTED]

Në shqyrtimin fillestar gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit fillestar i akuzuari është udhëzuar në kuptim të nenit 246.1 të KPPK-së pastaj gjyqtari gjykues ka çmuar se të drejtat e të akuzuarit janë respektuar, e më pas prokurori i shtetit ka lexuar aktakuzën ndaj të akuzuarit dhe pasi që gjyqtari është bindur se i

njëti e ka kuptuar në tërësi aktakuzën me të cilën është akuzuar, të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

I akuzuari [REDAKTUAR], ka theksuar se e ndien veten fajtorë dhe e pranon fajësinë për veprën penale për të cilën është akuzuar, i kërkon falje publik të dëmtuarve të cilët janë prezent në shqyrtimin gjyqësor, është e vërtetë se atë ditë ka dal me veturë e tij në qytet në Ferizaj, por është konsumuar alkool dhe ka hyrë me veturë në shesh ku policia e ka ndalur tek rreth në rrugën e Shtimes, nuk e mohon që i ka kanosur person zyrtar por jo me dashje pasi që kam qen nën ndikim të alkoolit dhe nuk ka mundur që ta kontrollojë veten, kërkon nga gjyqtari gjykues që me rastin e shqiptimit të dënimit të marrë për bazë pranimin e fajësisë kërkim falje të dëmtarëve, më nuk do të përsëris këso veprime dhe gjithëherë do të jetë më i kujdesshëm dhe është hera e parë që ndeshet me ligjin.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPK-së, është e bindur se i akuzuari e ka kuptuar natyrën dhe pasojat e pranimin të fajësisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimin të fajësisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajësisë, mbrojtësit dhe të dëmtuarit.

Prokurori i shtetit Bahri Hyseni deklaroi se pajtohet me pranimin e fajësisë nga ana e të pandehurit, pasi pranimi i tillë është bërë konform ligjit gjegjësisht në ekspertizën e ekspertit të komunikacionit dhe në provat tjera të cilat gjenden në shkresat e lëndës e të cilat e vërtetojnë gjendjen faktike propozon gjykatës që me rastin e shqiptimit të dënimit të marrë për bazë pranimin e fajësisë.

I dëmtuari [REDAKTUAR] në lidhje me pranimin e fajësisë deklaroi pajtohem me pranimin e fajësisë nga ana e të akuzuarit, i bashkëngjitëm ndjekjes penale.

I dëmtuari [REDAKTUAR] në lidhje me pranimin e fajësisë deklaroi pajtohem me pranimin e fajësisë nga ana e të akuzuarit, i bashkëngjitëm ndjekjes penale.

Gjykata në shqyrtimin fillestar ka vërtetuar se i akuzuari pranimin e fajësisë e ka mbështetur në provat që gjenden në shkresat e kësaj lënde penale në deklaratën e të dëmtuarit [REDAKTUAR] dhënë në prokurori me datën 09.03.2018, e të dëmtuarit [REDAKTUAR] me dt.08.03.2018 dhe deklaratën e të dëmtuarit [REDAKTUAR] të dhënë në polici me dt.06.12.2017.



*Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale kanosja nga neni 185 par.3 lidhur me par 2 të KPRK-së.*

Me rastin e matjes së llojit dhe lartësisë së dënimit gjykata pati parasysh të gjitha rrethanat në kuptim të nenit 73 të KPRK së të cilat ndikojnë në llojin dhe lartësinë e dënimit, si rrethanë lehtësuese për të akuzuarin mori pranimin e fajësisë nga ana e të njëjtit, pendimin për veprën penale të kryer, kërkim falje shprehur të dëmtarëve, është hera e parë që ndeshet me ligjin gjykata vlerësoi shkallën e përgjegjësisë penale të akuzuarit dhe rrezikshmërinë konkrete të kësaj vepre penale, dhe në kuptim të të gjitha këtyre, i shqiptoi dënim me gjobë në shumë prej 200 /dyqind/ Euro, nga rrethanat e arsyeshme i mundëson ta paguan me këste për një periudhë prej katër muajve, konform nenit 46 par.2 të KPRK-së, si në dispozitiv duke qenë e bindur se një dënim i tillë është në proporcion dhe raport me peshën e veprës konkrete penale, rrethanave të kryerjes si dhe personalitetin e të akuzuarit dhe me te arrihet qëllimi ndëshkimor në kuptim të preventivës speciale që i akuzuari të mos kryejë vepra penale si dhe në kuptim të preventivës së përgjithshme të parandalimit të kësaj vepre penale në shoqëri konform nenit 41 të KPRK-së.

Gjykata konform nenit 463 parag.1 lidhur me par 3.të KPPK-së të dëmtuarit [REDAKTUAR] nga Ferizaj rruga "[REDAKTUAR]", [REDAKTUAR] nga fshati [REDAKTUAR] Komuna Shtime dhe [REDAKTUAR] nga afshati [REDAKTUAR] Komuna Ferizaj, për realizimin e kërkesës pasurore-juridike janë udhëzuar në kontest civil.

Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe nenit 39 parag.1 nën par. 3.1 të Ligjit për Kompensimin e viktimave të krimit Nr.05/L-036.

Nga arsyet e lartë përmendura është vendos si në dispozitiv të këtij aktgjykimi.


### **GJYKATA THEMELORE NË FERIZAJ**

Departamenti i përgjithshëm-divizioni penal,

**P.nr.439/18 me datë 04.09.2018**

**Zyrtarja Ligjore**  
Kadishe Shabani

**Gjyqtari**  
Adem Shabani



**KËSHILLA JURIDIKE:** Kundër këtij aktgjykimi është e lejuar ankesa në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.